

Uunga siunnersuut: Inatsisartut inatsisaat nr. xx ulloq yy 2015 suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit.

Qitiusumik ingerlatsiviit suliassa

§ 1. Kommunit tamarmik illoqarfinni tamani kommunimiittuni suliffissanut, ilitsersuisarnernut pikkorissaqqinnernullu qitiusumik ingerlatsivinnik pilersitsissapput.

§ 2. Suliffissanut, ilitsersuisarnernut pikkorissaqqinnernullu qitiusumik ingerlatsiviit suliassaraat:

1) Nuna tamakkerlugu akeqanngitsumik sullississallutik suliffeqarnerup ineriartortinneqar-nissaanut, tamatumani aamma nukittorsassallugu sulisut piginnaasatigut ineriartornissaat aamma nunap iluani sumiiffinnut assigiinngitsunut nikilertortarnikkut nuttarsinnaanissaat.

2) Sumiiffinni pineqartuni inuussutissarsiortunik suliffeqarnermi suliniutit pillugit suleqateqassallutik, aamma nunap immikkoortuini nunalu ataatsimut isigalugu. Aamma suliassaraat suliffissarsiortut sulisitsisullu akornanni attavilersuisuunissaq, atorfinittisisoqartarnissaanik siunertaqartumik.

3) Suliffissarsiortunut suliffissanik innersuussisassallutik aamma sulisitsisunut inuussutissarsiutini assigiinngiaartuni tamani sulisussanik innersuussisassallutik aamma suliffissanut atorfinnullu assigiinngiaartunut tamanut.

4) Ilinniartitaanernut qinnuteqartunut siunnersuisassallutik qinnuteqartunillu allaffissornikkut aqutsinermik suliaqarlutik.

5) Meeqqat atuarfiat suleqatigalugu klassit annerit siunnersorneqartarannik ingerlatsiussallutik.

6) Suliffissaqarnikkut siunnersuinermik suliffissarsiortunut neqerooruteqartassallutik, inunnullu ataasiakkaanut iliuusissatut pilersaarusiortassallutik, suliffissaaleqisut pineqartut suleqatigalugit, suliffeqalivinnissamik siunertaqartumik.

7) Suliffissaaleqisut pikkorissarneqarnerannut atatillugu inuussutissarsiutinut pikkorissartitsinernik innersuussisassallutik. Suliffissanut, ilitsersuisarnernut pikkorissartitsinernullu qitiusumik ingerlatsiviit ilinniagaqalernissamut imaluunniit suliffeqalernissamut piareersaataasunik pikkorissartitsinernik ingerlatsisinnaapput.

8) Innuttaasunik suliffeqanngitsunik tulluarsaqatigiiaanun immikkoortitserisassallutik.

9) Suliffissaaleqisut suliffissarsiuussisarnermi nittartakkamut paasissutissanillu nalunaarsuiffinnut allanut naleqquttunut nalunaarsortassallugit.

§ 3. Suliffissanut, ilitsersuisarnernut pikkorissaqqinnernullu qitiusumik ingerlatsiviit suliffeerunnermi ikiorsiissutit aamma piginnaanngorsaaqqiinnissamut tapiissutit aqutaraat, piginnaanngorsaaqqittunut inunnullu suliffeerunnermi ikiorsiissutinik pisartagaqartunut tunniunneqartartut.

Imm. 2. Suliffissanut, ilitsersuisarnernut pikkorissaqqinnernullu qitiusumik ingerlatsiviit innuttaasut piginnaanngorsaaqqinnermi peqataasinnaasut suleqatigalugit piginnaanngorsaaqqiinnissamut pilersaarummik suliaqartassapput.

Imm. 3. Suliffissanut, ilitsersuisarnernut pikkorissaqqinnernullu qitiusumik ingerlatsiviit nikilertortarnikkut nuunnissamut aningaasaliissutinik tapiiffigineqarnissamik qinnuteqaatit sularisassavaat.

Imm. 4. Suliffissanut, ilitsersuisarnernut pikkorissaqqinnernullu qitiusumik ingerlatsiviit sulisitsisut sulisussanik avataaneersunik sulisoqarnissamut qinnuteqaataat sularisassavaat.

Kommunalbestyrelsip suliassai

§ 4. Kommunalbestyrelsip isumagissavaa suliffissanut, ilitsersuisarnernut pikkorissaqqinnernullu qitiusumik ingerlatsiviit sullinneqassasut siunnersortinit sulianillu ingerlatsisunit pisariaqartunik piginnaanilinnit, takuuk imm. 2, aammalu sullissineq ingerlanneqassasoq naleqquttunik avatangiisilimmik.

Imm. 2. Siunnersuisarnej aamma sulianik ingerlatsineq sularineqassapput ilinniartitaanernut aamma inuussutissarsiutinut siunnersuinnermik ilinniagalinnit, Naalakkersuisunit akuerisaasunit, imaluunniit inunnit pineqartut assinginik piginnaaneqarnermik uppersaasannaasunit. Kommunalbestyrelsimiit qinnuteqartoqarneratigut Naalakkersuisut akuerisinnaavaat Siunnersuisarnej sulianillu ingerlatsineq utaqqiisaasumik ingerlanneqarsinnaasoq inummit allatigut ilinniagaqartumit, siunnersorti pineqartoq aallartissimappat imaluunniit pilersaarteqarpat ilinniartitaanernut siunnersortitullu Naalakkersuisunit akuerisaasumik ilinniagaqarniarlugu.

§ 5. Kommunalbestyrelsip qitiusumik suliffissanut, ilitsersuisarnernut pikkorissaqqinnernullu ingerlatsiviit kommunip suliassaanut allanut allaffissorneranullu attuumassuteqanngitsumik aningaasaqarnikkullu kiffaangissuseqartumik Naalakkersuisunut naammassisassanut isumaqatigiissuteqarnej tunngavigalugu ingerlatarissavai.

Imm. 2. Kommunalbestyrelse suliffissanut, ilitsersuisarnernut pikkorissaqqinnernullu qitiusumik ingerlatsiviit ingerlanneqarnerannut ilanngullugu ataatsimiititalianik siunnersuisussanik pilersitsisinnaavoq, inuussutissarsiortunit aamma suliffeqarnermi illuatungeriinnit peqataaffigineqartumik.

Imm. 3. Kommunalbestyrelsip isumagissavaa suliffissanut, ilitsersuisarnernut pikkorissaqqinnernullu ingerlatsivinnut tamanut suleqatigiinnermut aqqissuussinnermik ataatsimik pilersitsisoqartassasoq, suliffissanut, ilitsersuisarnernut pikkorissaqqinnernullu qitiusumik

ingerlatsivimmiit, isumaginnittoqarfimmiit kiisalu meeqqat atuarfianniit peqataaffigineqartumik.

§ 6. Kommunalbestyrelsip isumannaassavaa paasissutissat naleqquttut tamarmik suliffissanut, siunnersuisarnernut pikkorissaqqinnernullu qitiusumik ingerlatsiviit suliaminnik ingerlatsisinnaajumallutik pisariaqartitaat pissarsiarineqarsinnaassasut.

Nakkutilliineq

§ 7. Naalackersuisut suliffissanut, siunnersuisarnernut pikkorissaqqinnernullu qitiusumik ingerlatsivinnut nakkutilliisuupput.

§ 8. Kommunalbestyrelsip Naalackersuisunut nalunaarusiortassavai kisitsisit paasissutissat suliffissanut, siunnersuisarnernut pikkorissaqqinnernullu qitiusumik ingerlatsivinnut tunngasut. Kommunalbestyrelsip programmit Naalackersuisut nalunaarusiortarnernut atugasannngortitaat atortassavai.

Imm. 2. Naalackersuisut nalunaarusiortarneq pillugu ersarinnerusunik aalajangersagaliorinnaapput.

Naammassisassanut isumaqatigiissut ingerlatsinermullu aningaasaliissutit

§ 9. Naalackersuisut kommunalbestyrelsimut naammassisassanut isumaqatigiissuteqassaaq, suliffissanut, siunnersuisarnernut pikkorissaqqinnernullu qitiusumik ingerlatsivinnut atatilugu. Naammassisassanut isumaqatigiissut aalajangersaassaaq suliffissanut, siunnersuisarnernut pikkorissaqqinnernullu qitiusumik ingerlatsivinni ersarinnerusunik anguniagassat pillugit.

Imm. 2. Naalackersuisut kommunini ataasiakkaani suliffissanut, siunnersuisarnernut pikkorissaqqinnernullu qitiusumik ingerlatsivinnut aningaasaliissutaasunik kiffartuussinermi isumaqatigiissutsikkut annikillisitsinnaapput, kommunalbestyrelsip kiffartuussinermut isumaqatigiissummi piumasaqaataasut naammassinngippagit.

Atuutilerfia

§ 10. Inatsisartut inatsisaat atortuulissaaq ulloq 1. januar 2016.

Imm. 2. Ilutigisaanik atorunnaassapput § 5, imm. 1, imm. 3 aamma imm.5, kiisalu § 12 Suliffeqarnermi innersuussisarneq il.il. pillugit Inatsisartut inatsisaanni nr. 5, 8. juni 2014-imeersumi.

Imm. 3. Malittarisassat Suliffeqarnermi innersuussisarneq il. il. pillugit Inatsisartut inatsisaat nr. 5, 8. juni 2014-imeersumi aalajangersagaasut atuutiinnarallassapput allanik taarserneqar-

nissami imaluunniit uani inatsimmi aalajagersakkanik tunngavilimmik imaluunniit Inatsisartut inatsisaat alla naapertorlugu atorunnaarsinneqarnissami tungaannut.

Namminersorlutik Oqartussat, ulloq yy 2015

Kim Kielsen